

日本漢文學百家集

王焱 編

291



YSP

北京燕山出版社

王焱 主編

日本漢文學百家集
291



北京燕山出版社

第二九一册

- 桂陰詩集 上下卷 棚穀元善著 大正十年……………一
- 行雲樓遺稿 上中下卷 附錄 松島北渚著 弘化四年……………一四三
- 杏林餘興 一卷 今村了庵著 文久元年……………四〇五
- 了庵贖稿 二卷 今村了庵著 明治十四年……………四三一

桂陰詩集

棚谷元善著

桂陰詩集

天香齋藏

桂陰棚谷元善之像



桂陰柵谷先生暨繼配久貝氏墓表

曩者先師藤森子。坐黨議謫死。余撰文表其墓。刺幕府失政。酷吏讎視。欲倒表問罪。人皆笑余直筆犯忌諱。獨柵谷先生稱揚不置。曰子不諛官。豈肯諛墓。異日幸作吾墓表。以傳信後世。今二十餘年言猶在耳。而先生則逝矣。余雖不文。寧可負諾於地下乎哉。先生諱元善。字元卿。一字善庵。別號桂陰。又鳳陽。又天香齋。柵谷其氏。世仕笠間藩。王父諱衡。字維嶽。善醫兼通儒術。娶小峯氏無子。養若松氏之子。諱謙。字喬庵。爲嗣。妻以女弟。先生其長子也。幼敏警。受業家塾。塾師見其范增論。驚嘆曰。此兒必成大器。甫踰

大正

10

冠。師事朝川善庵。後與藤田藤森二老游。講經史作詞章。策時務聲譽漸與。藩侯擢爲侍醫。兼備顧問。文久中。移家江戶。貧甚。然不肯售技貪財。唯詩之耽。是時邊警旁午。海內多故而二老旣亡。雖有耆宿。所見不合。顧延余爲忘年友。每一篇成輒求評論。余辭以不解詩。先生笑曰。子非所謂詩人。其不解卽所以深解也。今夫風雲月露。字彫句琢。與國家痛痒無涉。則何用詩爲。乃取讀之。音調悲愴。若有殷憂。未幾天下果亂。東西馳驅。不相見者數歲。中興初。建大學於東京。余拜博士。先生亦見徵。稱病不就。明年奉命。集錄本邦漢土古今醫方。尋又辭之。杜門苦讀。著國

史攬要十六卷屬余作序。其書起開闢至今世。上下數千載。政治隆替。制度沿革。歷々指掌。學者傳誦。府縣學校採以授生徒。先生初娶渡邊氏。生一男三女。並先歿。繼娶水戶藩士久貝正則之女。諱藤子。有婦道。善事先生。先生清臞。立善飲善談。客至置酒。不論晝夜。而中饋每不告乏。舉一女。鐘愛爲擇嘉偶。嫁之嶋原藩士丸山君作樂。作樂慷慨憂國。罹吏議。錮於長崎縣獄。女欲往問消息。先生憫之。遂舉家西徙。縣學生員聞先生名。禮招聽講焉。先生作縣學記。長崎竹枝。郵寄請評。既而作樂遇赦。同歸東京。乃欲相訪話舊。荏苒涉歲。忽得訃音。哀夫。先生以明治十五

年十月六日歿。距其生文化十年閏十一月十八日享年七十。久貝氏先半歲。歿於同年五月十八日。距其生文政二年六月廿日。享年六十四。合葬青山南町之塋。義子恒義。持狀來傳。遺囑以徵文。蓋先生天賦俊邁。夙欽古烈士之風。爲醫終世。非其志。所著三德事實。鐵研漫錄。天香齋集。徃々見微旨。而平生言行。亦多可傳者。特以其嫌謏墓故。所表章止於此。

明治十七年夏五月

宮內文學從五位川田剛二撰

桂陰詩集上卷

桂陰棚谷元善稿

芳山櫻花圖

一。幅。名。花。感。廢。興。香。雲。影。裏。冷。殘。燈。春。風。未。踏。芳。山。
路。夢。繞。延。元。古。帝。陵。

那須宗高射扇圖

扇。影。飄。風。勁。箭。鳴。何。唯。妙。技。萬。人。驚。琵琶。曲。裏。雙。行。
淚。也。勝。千。軍。喝。采。聲。

仙坡湖上有感

水戶城下

弘庵曰前人未
道破

又曰感慨何極

播紳之際出英雄，天下具瞻赫々風。匡國宏猷排異教，防夷大策啓元戎。高明受妒感何極，文武守成功未終。落日仙坡湖上路，幾人搔首問蒼穹。
水府練兵，中軍建啓行匡國之施。

下那珂川 在水戶城東

又曰雄快

杳々雲煙籠水程，霖餘漲勢泛人輕。海門依約行松影，早聽長風萬馬聲。

那珂川港即事

又曰奇警可喜

滿港帆檣萬斛船，茫茫積水接無邊。危巖晴捲蛟津雪，皓月秋開鼉背烟。天塹砲臺煩守備，地毳鍼路幾腥膻。海鄉更有仙寰在，縹緲笙歌隔岸傳。

又曰風味出新

又曰眼前春景未多經人道括來巧妙自然

又曰風流自喜

又曰又佳

元日雨

以題爲韻錄一
己酉年

元日眞成如太古，東風緩々送城鼓。拜年客去午齋閑，臥聽梅花梢上雨。

晚歸即目

楊柳糸々弄淡煙，羅紋碧漲夕陽川。殘霞映出風箏影，幾線春聲響半天。

春遊五首 錄一

不許春光棄我行，不嫌春草喚愁生。舉杯且向東風立，花撲吟衿似有聲。

即事

城上輕雲掩曉霞，東風門港雨糸斜。村翁亦解惜春

意小笠短簑來賣花

晚發下館

淡月當天晚色濃，水田倒浸筑波峯。
剩寒脉々春衣薄，一杵聲傳那寺鐘。

又曰風致宛然

總州途上

薄日輝々草送香，菜花遙映野川光。
路傍一醉宜停轎，滿店春風未夕陽。

亦佳

張子房圖

追加

圯橋深夜語誰哉，側聽人僞托欺。
千歲塊石術何神，風雲已了韓家事。
且輔亭長付神器，一擊嘗駕祖龍膽。
博浪之椎亦遊戲，幼出衣冠四老翁。
又將緒餘定

又曰曉行况致
此丹香描不到
處

又曰維潤

儲公烹醢難加赤松子、把弄英雄始中終、

曉發新橋驛

殘雨微茫濕曉雲、林塘一脉送芳芬、黃鶯啼破輿窓
夢、暗柳明花次第分、

水門雜詠

海島報晨聲喋々、空洋一碧霧力消、長風吹動孤燈
影、臥見東溟萬里潮、
積水如堤壓亂檣、汀州暮色漸蒼々、天涯一片飛濤
影、展作東洋月出光、

從下妻到宗動途上

長川畫大野、言是東寧脉、浴川數十程、荒邑交廢驛、

又曰胸中經綸
願高詩亦憂々
金聲

榛莽無際涯，沃壤都爲瘠。田留暴漲痕，原絕牛馬跡。
漕運唯問便，却遺基本益。誰能乘農隙，敷蓄徐興役。
堤防備衝潰，收納不論額。藉外出官田，堤封幾萬石。
莫笑愚公愚，莫羨巨靈劈。經綸雄偉功，渾成在銖積。
開鑿利曾起，擾々徒怨噴。誰歟賈晁倫，一舉決大策。

南村

野水爭流，翡翠鳴。亂山影裏，路縱橫。蕎畦撞畝，雨初
歛。人在夕陽佳處行。

即時

客去東軒月未昇，何來爽氣襲衣稜。晚風徐送幽篁
雨，寒翠森々認市燈。

又曰清况怡興
景會